

Hazrat Abu Hurairah رضى الله تعالى عنه aur Ashabe Sufah

Wiladat: 600 AD Wisaal: 681 AD Mazar: Jannatul Baqi

Walida: Umayma Kabila: Doas

Apka naam Abu Hurairah kaise para, ap bakriyan charate ghar ka guzar chalta, walid ka inteqaal ho gaya, walida ne apko taleem dilwayi. Apke kabile ke ek raez shayer Hazrate Toafail bin Amr Dosi رضى الله تعالى عنه ki tableegh par ap imaan laye, apki umr 16 saal thi, ye Mecca Sharif aye ap ﷺ se milne ke liye inhone Imaan qabul kiya aur wapas jakar tableegh farmayi, phir ye dono milkar tableegh karne lage, pehle khuch logo ne Islam qabul kiya phir baad me tadaad bar gayi

Khyber (7 hijri) ke moake par Hazrat Toafail, ap, apki walida, apka ghulam, aur wo 400 admi jinhone Islam qabul kiya tha sabh ap ﷺ ki ziyarat karne me chal pare, apko sarkar se mulaqat ki itni shadeed chahat thi ke safar me apka ghulam piche reh gaya aur kahim gum ho gaya, ap sabh pahonche, Toafail ne sab ka ta'arruf karwaya, Rasulallah ﷺ apko dekhkar bahot khush hue aur farmaye Huraira tumhara ghulam mil gaya hai

Rasulallah ﷺ ne apko Abdul Rahman zaati naam ata farmaya, apne is ghazwa me shirkat ki, ghazwa khatm hua, khush log wahin reh gaye aur baki ki loat gaye, ap aur apki walida bhi wahin Madina me reh gaye, ap ne Madrasah, Ashabe Suffa me dakhla le liye, jo ameer sahaba hote in ashab ko khana khilate, ap ﷺ ke paas jo khush aata usme se bhi ap in ashab ko dete, Hazrat Jafar bin Abi Talib ne is ashab ko itna khana khilaya ke Rasulallah ﷺ ne inko title de diya 'Abul Masakeen', ke sufiya ka khyal rakhne wala, Ansaar bhi help karte. Ye ashaab kaam bhi karte the, ilm bhi hasil karte the, shaadi bhi karte the, par ap in sabhi se juda the, ap bahot acha likhte the, ap sarkar se sunte aur likh lete the, phir yaad karte to yaad karne me zara dushwari hoti to apne sarkar se dua karwayi ke mera hafza acha hojaye, huzur ne dua farmayi.

Apne khud ko hadees likhne me waqf kar diya, har wakht huzur ke saath saath rehte the, ek martaba Rasulallah ﷺ ne apko bhook se nidhal dekha to farmaya mere saath aayo, ap ghar ke darwaze tak gaye, huzur hujre me gaye aur doodh ka pyala lekar aye, apne samjha ke huzur ye doodh ka pyala mujhe de denge par huzur ne farmaya ke Abu

Huraira jao jakar sare Ashabe Suffa ko bula lao, ap bulakar laye, apko pyala diya farmaya ke sabh ko baari baari pilao, ap hairan, 70 sahaba pee chuke aur chale gaye, ab hukm ke AH ab tum pio, apne piya, aur piyo, apne piya, phir farmaya aur piyo, ab aur gunjaizh nahi hai, phir huzur ne piya, ye Sarkar ka mojiza hai

Apki umr 28 saal, khuch kaam kar sakte the par nahi ap Rasulallah ﷺ ka saath nahi chorna the, ek din ap bhuk se nidhal ho gaye, masjide nabwi gaye ke shayad wahan khuch khane ko mil jaye, aur bhi sahab wahan bhuk se nidhal the, ap ﷺ ne inki halat dekhi to khajuren mangwayi, sabh to 2 - 2 baatin, apko bhi din par apne ek khayi aur ek rakh li, sarkar ne apko aisa karte dekh liya, wajah puchi, apne farmaya, ke meri walida bhi bhuki hain unko dunga, phir Rasulallah ﷺ ne apko alag se 2 khajurain din apki walida ke liye.

Sahaba farmate hain ke hum to duniyavi kaam me bhi lag jaate the to Huzur se itni hadees na sun paye par Abu Huraira har pal Huzur ki khidmat me mojud rehte. Sarkar ne phir ap khaas tawajjo di, apko zariye paigham pahonchate, cheese batwate

Ap un khadimo me bhi shamil the jo khadim qurbani ke jaanwaro ki dekh bhaal ke liye muqarrar kiye gaye the jab huzur Umrah (7 hijri) ke liye Mecca tashreef le ja rahe the, yahan bhi apne safar ki baaten ko note kiya, Rasulallah ﷺ ne apko Ala bin Nazrami ke saath Bahrain khat lekar bheja Majoosi ke paas (9 hijri) to safar me inhone apse pucha ke mai apka kis tarah khyal rakhun wo isliye ke huzur ne chalte wakht inko naseehat ki thi ke mai apka safar me khyal rakhun, to apne farmaya ke pehla ye ke jab tak mai rahunga azaan mai hi dunga aur dusri baat jab mai safey theek karwa lun phir apne kehna hai Allaho Akbar taaki meri ameen apke saath miss na ho jaye

Ap pehle Hajj me mukabbir bane the, yani dohrane wale, ap wapas phir Ashabe Suffa me loat aye, phir parne lage, Sarkar ne ek baar pucha, tum karobar kyun nahi karte, apne farmaya "ya rasulallah, mujhe apse us Ilm ka sawaal hai jo Allah ne apko ilm ata farmaya" huzur muskura pare, ap huzur se seekhne ke liye wo sawalat bhi kar lete the ke jinhe dusre sahaba karne ke liye jhijhak jaya karte the, aqsar apke paas khane ko khuch hota nahi tha, to bhook se nidhal ho jate the, Rasulallah ﷺ ne apke mustakhil khuraak ka masla hal kar diya

Rasulallah ﷺ ne apse thaili mangwayi, huzur ke haath me khuch khajuren thi, unko milaya aur parte jaa rahe hain, thaili ke andar daal di aur mooh bank kar di, farmaya, ye lo Abu Huraira isey apne paas rakho, jab bhi tumhe bhook sataye to isme se bina dekhe bina ultaye haath daal ke nikal lena, apne ye thaili apne kamar par band li, ye thaili apke paas 35 hijri tak apke saath rahi, yaani 25 saal tak, apne bhi khaya aur bhuko ko bhi khilaya, lekin Hazrate Osman ki shahadat ke wakht jab bhagdar hui tab ye thaili accidentally khul gayi aur ult gayi, bus tab isme se khajuro ki aamad moukuf ho gayi

Ap Khyber se lekar har ghazwat me bhi shareek hue aur wahan ki reports hum tak pahonchayi, apne huzur ﷺ ke saath 'Salatul Khauf' pari, Zaiyetul Riqah, Hunain, Tawook, Fateh Mecca, Hajjatul Wida ke moako par ap saath the. Huzur tashreef le gaye kai dino tak ap Masjide Nabwi ke kone tak baithe rotey rehte, namaz ke liye uththe phir baith jaate.

Hazrat Abu Bakr رضي الله تعالى عنه ki doare khilafat me ap 2 baar Bahrain gaye. Hazrat Umar رضي الله تعالى عنه ne apko Bahrain ka Governor banakar bheja, yahan apne 1 saal guzara, yahan apne khud ghero ki tejarat ki apke ghulam ne bhi apko amdani kar ke di apne adha maal Baitul Maal me jama karwa diya aur apni kamayi ka saari hisaab diya Ameerul Momeneen ko. Hazrate Osman Ghani رضي الله تعالى عنه ke doare khilafat me kai doare kiye kai maarko me shirkat ki Armenia ki larai ke baad apne khud ko alag kar liya

Apne ek hi nikaah kiya tha, apki zohja bahot maaldaar thi, 3 larke aur 1 larki Allah ne apko ata farmayi, nikaah ke baad apki tangi door ho gayi, par apne saadgi ko nahi chora, gadhe pe hi sawari karte the, apki walida ki baaten khuch aisi thin jo apko nagawar guzarti thin, par apne unki bahot khidmat ki, inhone bhi Islam qabul kar liya tha, apki puri family ibadat guzar thi

Rasulallah ﷺ ne mujhse 3 wasiyat farmayi har mahine 3 roze rakhna, soney se pehle witr parna, jummah ke din ghusl karna, Nabiye Kareem ﷺ ke zindagi me hi sahaba ikram ne hadees ko likh liya tha unme se ek ap hain, apse 5374 hadeesain marwih hain, apse Hazrat Umar رضي الله تعالى عنه hadees puchte the, ap akhri umr tak hadees ki taleem dete rahe, hadees byan karte wakht "awkama kala, kala ﷺ" farmate, ye apki tarikha tha hadeeson ko byaan karne ka.

112 jayyad tabey aur tabe tabeye ne apse hadees ka sabak liya, ap Imam Hasan رضى الله عنه se bahot pyar karte, jummeh ke roz imam ke aane tak ap hadees byaan karte, ap mehman nawaz the, Rasulallah ﷺ ne apke liye dua farmayi thi ki Allah apko aur apki walida ko apne bando me se pyara bana de aur momeneen ko unka pyara bana de, 59 hijri me ap aleel hogaye, log iyadat karne aate phir bhi ap unko hadees sunate, 58 hijri me Hazrate Ayesha رضى الله تعالى عنها ka wisaal hua tha apne inka namaze janaza paraya tha, apka wisaal 59 hijri me hua.
